

Annog ymatebion

Ystyriaethau Allweddol

- Mae'n ofynnol i Swyddogion Cofrestru Etholiadol ganfasio pob eiddo Llwybr 2 yn eu hardal bob blwyddyn, a gwneud o leiaf dair ymgais i gysylltu lle na bo ymateb.
- Yn ogystal â chymryd y camau dilynol rhagnodedig, gall diffyg ymateb gan gartrefi hefyd olygu bod yn rhaid i'r Swyddog Cofrestru Etholiadol gymryd camau pellach, e.e. cynnal adolygiad cofrestru er mwyn canfod pwy sydd â hawl i fod ar y gofrestr etholiadol
- Os bydd Swyddog Cofrestru Etholiadol yn dod yn ymwybodol o unigolyn mewn cartref sydd â hawl i gofrestru i bleidleisio, rhaid iddo wahodd yr unigolyn hwnnw i wneud hynny ac anfon dau nodyn atgoffa ac ymweld â'r cartref yn bersonol os na cheir ymateb
- Po gynharaf yn y broses ganfasio neu'r broses Gwahoddiad i Gofrestru y bydd cartref neu unigolyn yn ymateb, y lleiaf o adnoddau y bydd yn rhaid i'r Swyddog Cofrestru Etholiadol eu defnyddio
- Mae Swyddogion Cofrestru Etholiadol yn defnyddio eu deunydd swyddfa a deunyddiau cofrestru i annog ymateb cyn gynted â phosibl

Opsiynau

- Canfaswyr yn gadael 'cardiau ymweld' os na fu modd iddynt siarad yn uniongyrchol ag aelod o gartref
- Diwygio deunyddiau cofrestru, o fewn terfynau'r ddeddfwriaeth, er mwyn annog ymateb
- Ychwanegu negeseuon allweddol i du allan yr amlenni er mwyn annog ymatebion.

Ystyriaethau ar gyfer y Swyddog Cofrestru Etholiadol

- Sicrhau, wrth ddefnyddio unrhyw rai o'r opsiynau ar gyfer annog ymateb, eu bod yn parhau i gyflawni eu holl ddyletswyddau cyfreithiol, gan gynnwys yr holl gamau dilynol ar gyfer achosion o beidio ag ymateb i gyfathrebiadau canfasio a Gwahoddiadau i Gofrestru.
- Sicrhau, wrth ddefnyddio unrhyw ddiwygiadau i'r deunyddiau er mwyn annog ymateb, fod yr holl ddeunyddiau cofrestru yn parhau i gydymffurfio â'r ddeddfwriaeth

Buddiannau posibl

- Cyfradd ymateb well ar gam cynharach yn y broses Ffurflen Ymholiad y Cartref neu'r broses Gwahoddiad i Gofrestru
- Llai o angen am nodiadau atgoffa ac ymweld â chartrefi, gan arwain at fwy o effeithlonrwydd a photensial i leihau costau
- Cofrestri mwy cywir a chyflawn
- Profiad gwell i etholwyr

Profiadau cyrff eraill



Cyngor Dinas Bradford a Chyngor Bwrdeistref Sefton

Cyflwynodd Cyngor Bradford 'gardiau ymweld' wedi'u hatodi i ffurflenni cofrestru a anfonwyd i bob eiddo nad oedd wedi ymateb ar adeg ymweliadau personol, er mwyn annog ymateb. O'i gymharu â canfaswyr yn gadael ffurflenni heb gardiau, mae hyn wedi cynyddu'r gyfradd ymateb o 5% i 15-20%.

Mae Cyngor Sefton wedi treialu gadael cerdyn ymweld gyda Gwahoddiadau i Gofrestru. Mae hyn wedi bod yn llwyddiannus ac mae wedi helpu i oresgyn amharodrydd i roi manylion adnabod personol ar garreg y drws.



Cyngor Bwrdeistref Swale

Yn 2015, roedd Cyngor Swale wedi anfon mwy na 5,000 o Wahoddiadau i Gofrestru yn ystod y canfas o ganlyniad i ymatebion i'r canfasio ond ni wnaeth pob un ohonynt ennyn ceisiadau llwyddiannus i gofrestru. Gan adeiladu ar Lythyr Hysbysu'r Cartref a ddefnyddiwyd yn llwyddiannus iawn cyn etholiad cyffredinol Senedd y DU yn 2015, lluniwyd Cerdyn Hysbysu'r Cartref ar gyfer canfas 2016 gan ddefnyddio system lliwiau goleuadau traffig. Dyluniwyd y cerdyn hwn, sy'n debyg i gerdyn post, yn benodol er mwyn annog pobl nad oeddent eisoes wedi cofrestru i wneud cais, ac roedd o gymorth i etholwyr a oedd efallai wedi drysu ynglŷn â chael ffurflen ychwanegol ar ôl cwblhau ymateb canfasio.

Mae rhagor o wybodaeth am yr hyn a wnaeth Cyngor Swale gyda'i Gerdyn Hysbysu'r Cartref ar gael yn yr [astudiaeth achos](#) hon.



Cyngor Dinas Caerfaddon a Gogledd Ddwyrain Glwad yr Haf

Mae Cyngor Caerfaddon wedi ychwanegu'r geiriau '*Hysbysiad o adolygu/dileu*' at y prif amlenni a ddefnyddir i anfon llythyrau adolygiad cofrestru, ac mae hyn wedi arwain at lai o gwynion a chamddealltwriaeth gan drigolion. Mae'r neges hon ar yr amlenni hefyd wedi helpu gyda'r gwaith o weinyddu unrhyw lythyrau nas dosbarthwyd, gan nad oes angen eu hagog i wybod eu cynnwys ac mae modd eu prosesu'n gyflymach.

Adnoddau



Mae [Rhan 1](#) o'n canllawiau i Swyddogion Cofrestru Etholiadol yn cynnwys cyngor ar weithio gyda phartneriaid er mwyn sicrhau bod cynifer â phosibl o bobl yn cofrestru. Mae ein [taflenni tactegau enghreifftiol ar gyfer cyrraedd cynulleidfaoedd targed](#) yn cynnwys syniadau penodol ar gyfer targedu grwpiau lle na cheir lefelau cofrestru digonol, megis pobl ifanc, grwpiau pobl dduon a lleiafrifoedd ethnig a rhentwyr preifat.

Gallwch hefyd ddefnyddio ein [hadnoddau a thempledi](#) ar gyfer unrhyw gyfathrebu â thrigolion yn eich ardal. Cafodd y rhain eu dylunio gydag effaith a hygyrchedd mewn cof.



Cysylltwch â ni

Byddem wir yn gwerthfawrogi clywed gan Swyddogion Cofrestru Etholiadol sut maent yn defnyddio deunyddiau cofrestru i annog ymateb cyn gynted â phosibl. Cysylltwch â'ch [tîm lleol yn y Comisiwn](#). Fel arall, os hoffech siarad yn uniongyrchol ag unrhyw rai o'r awdurdodau a enwir yn yr adnodd hwn, rhowch wybod i ni a byddwn yn fwy na pharod i'ch helpu yn hyn o beth.